

KANTON SARAJEVO**SKUPŠTINA KANTONA SARAJEVO****NAROD I PRAVDA****Arijana Memić, zastupnica****TUŽILAŠTVO KS****MINISTARSTVO ZDRAVSTVA KS****LJEKARSKA KOMORA KS****PREDMET: ZASTUPNIČKO PITANJE**

Iako je izdata naredba od strane Kantonalnog Tužilaštva KS, obdukcija preminule gospođe Advije Kanlić još uvijek nije obavljena. Zašto i kada će biti?

OBRAZLOŽENJE

Patolozi ne žele raditi obdukcije.

Ljekarska komora Kantona Sarajevo oštro osuđuje stav Udruženja patologa koji kaže da se ne preporučuju obdukcije umrlih od COVID-19, a zbog nepostojanja odgovarajućih uslova za njihovu realizaciju.

Član 226 Zakona o zdravstvenoj zaštiti FBiH propisuje da će kaznom od 5.000,00 do 10.000,00 KM biti kažnjena za prekršaj zdravstvena ustanova ako:

2) ne izvrši obdukciju u skladu s odredbama ovog zakona (član 208. i član 209. stav 2. ovog zakona).

Dalje, federalni pravilnik o načinu pregleda umrlih te utvrđivanja vremena i načina smrti, članom 7 nalaže:

(1) Nijedan umrli ne smije se pokopati dok mrtvozornik, odnosno ovlašteni doktor medicine ne obavi pregled nad njim i utvrdi uzrok smrti.

(3) Pokop umrle osobe obavlja se u pravilu u vremenu od 24 do 48 sati od nastupa smrti

Dakle, koja zdravstvena ustanova će biti kažnjena za neizvršavanje obdukcije, ko je obavio pregled, šta je utvrđeno uzrokom smrti i ko će biti kažnjen za kršenje odredbe da se pokop umrle osobe obavlja u vremenu od 24 do 48 sati od nastupa smrti?

Zakon o krivičnom postupku F BiH, Član 118:

Obdukcija leša van specijalizovane medicinske ustanove

(1) Specijalizovana medicinska ustanova vrši pregled i obdukciju leša.

(2) Kad se vještačenje ne vrši u specijalizovanoj medicinskoj ustanovi, pregled i obdukciju leša vrši liječnik specijalista sudske medicine. Tim vještačenjem upravlja tužilac o čemu vodi zapisnik. Sastavni dio zapisnika je nalaz i mišljenje vještaka.

Ni u zdravstvenim ustanovama ni u tužilstvu nema niko ko bi se usudio baviti ovim. Formalno otvoriti istragu bez provođena obdukcije je kao da ništa nije ni urađeno.

Ukoliko ne posjedujete adekvatnu opremu za vršenje obdukcije, zašto krizni štabovi i nadležna ministarstva ne izdvoje sredstva za nabavku istih?

Na kraju, postavlja se pitanje je li uopće moguće obaviti obdukciju nakon toliko vremena?

Sarajevo 23.04.2020. godine

Zastupnica u Skupštini KS

Arijana Memić